

ԱԿԱՆԱՎՈՐ ԿՈՄՈՒՆԻՍՏ ԱՐՇԱՎԻՐ ՄԵԼԻՔՅԱՆԻ ՄԱՍԻՆ
(1912—1920 թթ.)

Կ. ՄԵԼԻՔ-ՕՀՆՆՋԱՆՅԱՆ
ՀՍՍՀ ԳԱ ակադեմիկոս

Արշավիր Մելիքյանը XX դարի առաջին կեսի ամենաակնազարկ հասարակական դեմքերից մեկն էր, կուսակցության անդամ էր 1906 թվականից։

Ա. Մելիքյանը միջնակարգ կրթությունն ստացել է Երևանի Տղայոց գիմնազիայում, որն ավարտելով՝ մեկնել է խարկով և ընդունվել պետական համալսարանը, եռամյակից մասնակցել ուսանողական հեղափոխական շարժումներին, ապա ձերբակալվել ու արտաքսվել խարկովից՝ զրկվելով համալսարանական քաղաքներում ապրելու իրավունքից։

Ցարական իշխանության հետապնդումներից ստիպված, նա 1903 թ. մեկնում է Շվեյցարիա, սովորում նախ Յյուրիխի համալսարանում, ապա՝ փնիխ, հետո անցնում է Ֆրանսիա, Իտալիա, Գերմանիա և այլուր։

Շվեյցարիայում նա, իբրև բոլշևիկ, աշխատում է Յյուրիխի բոլշևիկյան կազմակերպությունում և եռամյակից գործունեություն ծավալում ուսուցչական գործունեության շրջանում։ Այստեղ նա ծանոթանում է Վ. Ի. Լենինի հետ և աշխատում նրա անմիջական ղեկավարությամբ։

Ավելորդ եմ համարում զրել արտասահմանում Ա. Մելիքյանի բոլշևիկյան գործունեության մասին։ Այդ ամենը ամսագրի ընթերցողը կգտնի նրա կենսագրության մեջ։ Սեր նպատակն է՝ նկարագրել Ա. Մելիքյանի հարաբերություններն իր շրջապատի, մանավանդ աշակերտ-ուսանողության հետ՝ Երևանում։

Արշ. Մելիքյանը վերադառնում է Երևան 1910 թ. և ժամանակավորապես տեղավորվում իր մորաքրոջ՝ Սոֆիա Մելիք-Օհանջանյանի տանը՝ Սպանդարյան (նախ. Յարսկի) փող. № 3: Հին ընկերներից, ծանոթներից հատուկ նշանակություն էր մնացել Երևանում։ Դրանցից հիշենք Ա.-Դո-ին (Հովհաննես Տեր-Սարտիրոսյան) և Վարդան Բաբայանին։ Արշավիրը մարդամոտ բնավորություն ուներ. նա միշտ շրջապատված էր լինում երիտասարդներով։ Այդ նրա ներքին պահանջն էր. չէ՞ որ ինքն էլ հազիվ 32—33 տարեկան էր։

Ա. Մելիքյանի կյանքը հաջող ընթացք կունենար, եթե նա կարողանար որևէ միջնակարգ դպրոցում համապատասխան դասեր ստանալ և նյութականը քիչ թե շատ ապահովել։ Ստեղծված պայմաններում այդ դժվար էր։ Իբրև փորձված հեղափոխական, նա արդեն հասկացել էր, որ գտնվում է ուսուցիչական կամ հսկողության ներքո, տեսնում էր, թե ինչպես զբոսանքի դուրս գալիս, որոշ հեռավորության վրա, նրան հետևում էին լրտեսները...

1911 թ. հուլիս-օգոստոս ամիսներին Ա. Մելիքյանին ընկերները հայտնում են, որ Երևանի Տղայոց գիմնազիայում ազատ դասեր կան ֆրանսերեն և

դերմաներեն լեզուներից, իսկ Գայանյան աղջիկների դպրոցում՝ պատմությունից: Նա դիմում է գիմնազիայի գիրեկտորին և մի դրուժյուն էլ ուղղում Գայանյան դպրոցի տեսչին: Դիմումների պատասխանները երկար սպասեցնել չեն տալիս: Դրանք բացասական էին միևնույն պատճառաբանությամբ՝ «մանկավարժական խորհուրդները որոշել են ազատ դասերն իրենց դասատուների միջև բաշխել»: Նա իսկույն հասկանում է, որ այդ պատասխանների հեղինակը միևնույն հիմնարկությունն է՝ ժանդարմերիան: Հետևաբար, հալածանքն արդեն սկսվել էր:

Այդ օրերին, մեր ետճաշյա զբոսանքի ժամանակ, նա պատմեց ինձ իր անհաջողությունների մասին և խնդրեց տանը շասել, որովհետև ինքը որոշել է հեռանալ Ռուսաստանից:

Ա. Մելիքյանի մտահոգությունների մասին ես պատմեցի հորեղբորս, որը լարձր դիրք էր զբաղում նրևանում և նահանգապետի հետ լավ հարաբերության մեջ էր: Նա պատվիրեց ճաշի հրավիրել Ա. Մելիքյանին: Արշավիրը հետևյալ օրը մեղ մոտ ճաշեց: Հորեղբայրս ծանոթանալով իրադրությանը, խոստացավ հարթել ծագած դժվարությունը և հնարավորություն ստեղծել նրա մանկավարժական դործունեության համար: Մի երկու օր անց, Արշավիրը հրավեր ստացավ թե՛ Տղայոց գիմնազիայից և թե՛ Գայանյան դպրոցից: Նա նախընտրեց Գայանյան դպրոցը:

1911/12 ուս. տարում Ա. Մելիքյանը կարող էր իրեն տնտեսապես ապահով զգալ, ուստի նա իր համար առանձին սենյակ վարձեց Սվերդլովի (նախկին Բեբուտովսկայա) փողոցի վրա:

Ելուժական դրուժյունը փոքր ինչ բարելավելուց հետո, Արշավիրը ընդլայնում է նաև իր ծանոթների շրջանը, աստիճանաբար սկսում է աշխատանքներ տանել երիտասարդության՝ աշակերտ-աշակերտուհիների շրջանում: Նրա շուրջն են հավաքվում ինչպես գիմնազիայի, թեմական դպրոցի, այնպես էլ աղջիկների Գայանյան և Ալեքսանդրյան դպրոցների աշակերտ-աշակերտուհիները:

Այդ աշակերտների շրջանից են դուրս եկել 1916—1917 թվականների ալեքի ընկնող սպարտակյան երիտասարդությունը՝ Սաշա Խաչակյանը, Ղուկաս Ղուկասյանը, Աղասի Խանջյանը, Արմենակ Բուդաղյանը, Պողոսյանը, ապա՝ Մ. Ենգիբարյանը, Հ. Աղիզյանը, Հ. Աղաջանյանը, Գուրգեն Մելիք-Օհանջանյանը և շատ ուրիշներ: Վերջինները միշտ նրա հետ էին լինում, թե՛ տանը, թե՛ զբոսանքի ժամանակ:

Արդեն ստեղծվել էին մարքսիստական խմբակներ: Այդ խմբակներում Արշավիրը, շատ հաճախ, զրույցներ էր ունենում զեկուցումներ կարդում, գրքեր հանձնարարում, զեկուցման համար թեմաներ բաշխում, ապա նրանց զեկուցումները քննարկման ենթարկում և այլն:

Ա. Մելիքյանի զրույցները, հրապարակային զեկուցումներն ու դասախոսությունները կատարյալ դարբնոց էին մարքսիստ երիտասարդության համար: Նրա հետ հանդիպում ունենալուց հետո՝ ունկնդիրները ցրվում էին հեղափոխական տրամադրությամբ, մարքսիստական լիցք ստացած: Երիտասարդները խտացնում էին իրենց շարքերը:

Ա. Մելիքյանի խոսքն ու զրույցը երիտասարդության հետ ոչ միշտ էր տեսական բնույթ ու բովանդակություն ունենում: Նա հաճախ հետաքրքրական հիշողություններ էր պատմում ոչ միայն Գ. Վ. Պլեխանովի, Վ. Ի. Լենինի,

Ա. Վ. Լուսաշարսկու և ուրիշ ռուս ականավոր հեղափոխականների, այլև ֆրանսիացի, գերմանացի մեծանուն հեղափոխական լիզերներին՝ Ժ. Ժորեսի, Ա. Բեքեյի, Կ. Լիբկնեխտի, Ռ. Լյուքսեմբուրգի և այլոց մասին: Մեկի մասին պատմելիս՝ նա աշխատում էր նմանվել նրան, ընդօրինակել նրա կեցվածքը ելույթի ժամանակ, վերարտադրել հոստորի խոսելու ձևերն ու խոսքի շեշտերը և այդ ամենն այնպիսի հմտությամբ, որ ունկնդիրները պարզ պատկերացնում էին այս կամ այն հեղափոխական ականավոր գործչին, նրա դավանած սկզբունքներն և ուղղությունը: Այսպիսի զրույցները կենդանի պատկերների տպավորություն էին թողնում: Արշավիրը հատուկ սիրով էր պատմում Գ. Պլեխանովի, Վ. Լենինի զեկուցումների ու ելույթների և մասնավորապես Ժ. Ժորեսի փոթորկալի միտինգային ելույթների մասին:

Ա. Մելիքյանի զրույցներում մի առանձին ցիկլ էին կազմում եվրոսլական տարբեր երկրների պրոլետարիատի հեղափոխական պայքարի ձևերը, բանվորների նիստ ու կացը, ազգային բնավորության առանձնահատկությունները:

Այսպիսով, երիտասարդությունը նրանից սովորում էր մարքսիզմ-լենինիզմի տեսությունը, պրակտիկան, ծանոթանում էր բանվոր դասակարգի հեղափոխական պայքարի առաջնորդներին և այլն:

1913 թ. Ա. Մելիքյանն սկսում է իր իսկ խմբագրությամբ հրատարակել «Խոսք» թերթը: Բացի քաղաքական հոդվածներից, միջազգային իրադարձությունների վերլուծությունից և առօրյա հրատապ հարցերի լուսաբանությունից՝ այդտեղ խմբագրի հեղինակությամբ լույս էին տեսնում շատ սուր, քախախի գրախոսականներ զանազան հրատարակությունների վերաբերյալ: Առանձնապես հիշատակելի է նորաթուփ փիլիսոփայության դոկտոր Երվ. Ֆրանգյանի Միխայիլովսկու սոցիոլոգիային նվիրված վայրիվերո իդեալիստական մարզանքների քննադատությունը: «Խոսքը» դադարեցվում է 1914 թ. դեկտեմբերին, ապա նորից հրապարակվում 1918/19 թթ.:

1914 թ. հունիսին ես գործուղվեցի Գերմանիա: Օգոստոսի 1-ին բռնկած պատերազմի պատճառով, չկարողացա վերադառնալ հայրենիք և ստիպված մնացի այնտեղ: Միայն հայ գերիների հետ հնարավորություն ստացա 1920 թ. հայրենիք վերադառնալու: Այդ բավականաչափ երկարատև ժամանակաշրջանում Ա. Մելիքյանի և իմ կապերը միայն միջնորդաբար էին: Նա ինձ հասցեագրած հարազատներիս նամակները թարգմանում էր գերմաներեն և ուղարկում Բեռլին, իսկ իմ պատասխանները՝ թարգմանում, հաշտնում իր հարազատներին: Այսպիսով, նա տեսնում էր լոկ իմ գիրը, իսկ ես նրանը:

1918 թ. պատերազմը Ռուսաստանի հետ ավարտված էր, Բրեստ-Լիտովսկի հաշտության պայմանագիրը կնքված: Արդեն Բեռլինում էր ՌՍՖՍՀ-ի Դաշնապետության դիվանագիտական լիազոր ներկայացուցիչ՝ Ա. Ա. Յոֆֆեն: Դիվանագիտական ներկայացուցչության առընթեր գործում էր ՌՈՍՏԱ-ն (ՌՍՖՍՀ հեռագրական գործակալությունը):

Հուլիս ամիսն էր: Փողոցում հանդիպեցի Մոսկովյան շրջանի իմ ընկեր Յոսիֆ Կորինեցին: Պարզվեց, որ նա եկել է Բեռլին՝ գլխավորելու ՌՈՍՏԱ-ի գործունեությունը: Նա առաջարկեց ինձ ՌՈՍՏԱ-ի ռուսական հաղորդումների բաժնի խմբագրի պաշտոնը և իմ համաձայնությունն ստանալով՝ ներկայացրեց ինձ Ա. Ս. Յոֆֆեին: Ինձ նշանակեցին ռուսական բաժնի խմբագիր: Ես պետք է ՌՈՍՏԱ Հանրապետությունից ուղիղ հեռախոսագծով ստացվող հաղորդա-

պարտմանը պատրաստեի Գերմանիայի ու Եվրոպայի համար, իսկ եվրոպական ու գերմանական հաղորդումները ՌՍՖՍՀ-ի համար պատրաստում էր Եվգ. Լեվի-նին, անդուդական մարդ-քաղաքացին ու բողաշուն՝ հեղափոխականը, որը, ղեկավարար, ղոհ զնաց Մյունխենի ապստամբության ժամանակ՝ 1919 թ.։ ՌՌՍՍԽ-ի գլխավոր խմբագիրն էր Մայերը («Rote Fahne»-ի խմբագիր), իսկ մեր կոնսուլտանտները՝ բոցավառ հեղափոխականներ Կ. Լիբկնեխտը և Ռ. Լյուքսեմբուրգը։

Ռ. Լյուքսեմբուրգը հաճախ էր գալիս իմ առանձնասենյակը, աչքի ածում նոր ստացված հաղորդագրումները։ Մերթնդմերթ հարցնում էր հայ ժողովրդի ղեկավար կադուբյան մասին։

Մի անգամ Լի, երբ Ռ. Լյուքսեմբուրգը եկավ առանձնասենյակս, ես նրան մեկնեցի Մոսկվայից ստացված հաղորդագրերը՝ Հայաստանում ազգային խորհուրդ կազմվելու մասին, որի կազմում կար նաև Արշալիր Մելիքյանը։

— Ուրեմն Արշալիր Մելիքյանը Հայաստանում է և Ազգային խորհրդի անդամ՝ Լավ է։ Դա նշանակում է, որ հեղափոխության գործն ու ղեկը գտնվում է վստահելի ձեռքերում։

— Իսկ դուր ո՞րտեղից գիտեք Արշալիր Մելիքյանին և ի՞նչ գիտեք նրա մասին, — հարցրեցի Ռ. Լյուքսեմբուրգին։

— Ճանաչում եմ նրան Շվեյցարիայից, հանդիպումներ եմ ունեցել նաև Բեռլինում։ Ես չեմ կարող մոռանալ մի դեպք, որ տեղի ունեցավ 1906 թ. Բեռլինում։ Այդ օրը Ա. Լունաչարսկին հանդես եկավ մի դասախոսության քրիստոնեության և սոցիալիզմի մասին։ Ա. Լունաչարսկին փայլուն հռետոր էր և դասախոսության տպավորությունը բավականաչափ ուժեղ էր ունկնդիրների վրա։ Դասախոսությունից հետո հանդես եկան ընդդիմախոսները՝ Ա. Բերելը և Արշ. Մելիքյանը։ Ծերունավարդ Ա. Բերելը լուրջ փաստարկված մի ճառ ասաց՝ հանդիսատեսն ու հերքելով Լունաչարսկու գրույթները և դանդաղ քայլերով գնաց իր տեղը նստեց։

Բեմ բարձրացավ Արշ. Մելիքյանը։ Փոքր-ինչ անց մի կատարյալ փոթորիկ սկսվեց բեմի վրա։ Այնքան հախուռն էր նրա հարձակումը դասախոսի վրա, այնքան հարուստ փաստարկներով և կուռ տրամաբանությամբ, որ Ալ. Լունաչարսկու դասախոսության կառուցվածքը խարխուլեց և նրա հիմքերը մեկը մյուսի ետևից փուլ եկան։ Մելիքյանի խոսքը կծու էր, հեղնական, խայթող, ունշացնող... Մեկ էլ լսվեց Ա. Լունաչարսկու ձայնը. «Ну, довольно, Аршавир Михайлович. сдаюсь!»

— Ա. Մելիքյանը, — շարունակեց իր խոսքը Ռ. Լյուքսեմբուրգը, — անմահ հռետոր է, փայլուն բանավիճող (պոլեմիստ), խորը պատրաստված մարքսիստ, մինչև ուղն ու ծուծը համոզված ու կայուն հեղափոխական կոմունիստ է*։

* Ես չեմ կարող առանց վերապահության պնդել, որ իմ վերը շարադրած վրույցի անխտիր բոլոր բառերը Ռ. Լյուքսեմբուրգի արտասանած բառ ու ոճերն են։ Դա, հարկավ, հնարավոր էլ չէ, քանի որ այդ հանդիպումից անցել են ուղիղ 50 երկար ու ձիգ տարիներ՝ ի բազմազան պարագաներով և իրադարձություններով (էլ ինչեր չենք տեսել այդ ժամանակամիջոցում), իսկ մարդկային միտքը հավերժ թարմ չէ և անփոփոխ ույժ չունի, բայց մի բան ամենայն հաստատակամությամբ կարող եմ պնդել, որ հնարավոր ճշտությամբ եմ տալիս մեծատաղանդ Ռ. Լյուքսեմբուրգի մտքերն ու ընդհանրապես նրա ոճային առանձնահատկությունները։

1920 թ. մարտին արդեն երևանում էին Հենց առաջին օրը Արշավիրը մեզ մոտ եկավ**։ Առաջին ողջագուրումից հետո, երբ մենք սովորական զրույցից անցանք հարց ու պատասխանի, պատմեցի նրան Ռ. Լյուքսեմբուրգի հետ վերը նկարագրած հանդիպման մասին... Նրա երեսին տարածվեց մի լայն ծպիտ, աչքերն, ասես, խնդում էին, բայց Արշավիրն էր, ըստ իր սովորության, աշխատեց զանց անել խոսակցությունը (դարձանալի՝ համեստ մարդ էր նա), հետևյալ կատակով. «Դու հո Ռոզային ճանաչում ես. ի՞նչ է, նորություն է քեզ համար, որ նա շատ է սիրում շափաղանցներ... խոսք է, ասել է քեզ, դու էլ դեռ պատմում ես։ Ծի՜շտ, ուրեմն հիշում է ինձ...»։ Դարձյալ ծիծաղեց, բայց այս անգամ արդեն ձայնեղ։

Հենց նույն տարվա մարտ-ապրիլ ամիսներին ես բախտ ունեցա լսելու Արշավիր Մելիքյանի երկու քաղաքական-հասարակական ելույթ-դասախոսությունները՝ երևանի քաղաքային ինքնավարության դահլիճում, որտեղ ներկա էին դաշնակցական կառավարության անդամներից մի քանիսը, ինչպես և բոլոր կուսակցությունների բազմաթիվ ներկայացուցիչները՝ դաշնակցությունից բռնած մինչև սոցիալ-հեղափոխականները։

Դասախոսությունների թեզերը փաստարկված էին, տրամաբանորեն զարգացված։ Դասախոսը նյութին քաջատեղյակ էր, շնայած այդտեղ վերլուծության էր ենթարկված մեծ պետությունների արտաքին քաղաքականությունը կապված նորանոր բարդ իրադրության և նրանց լարախաղաց դաշնակցականների, մենշևիկների և մուսավաթականների քաղաքական վարքագծի հետ։

Նրա բանավոր խոսքը զեղեցիկ էր՝ ոճի տեսակետից ազդեցիկ, համոզիչ ու առիներն ող, ոգևորության պահերին պերճախոս, գունագեղ, իսկ բանակովի ժամանակ նա մերթ մեղմ էր՝ փորձված մանկավարժի նման, մերթ հեզնոլ, ծաղր ու ծանակի ենթարկող՝ իր հակառակորդներին, մերթ էլ ջախջախող, խորտակող՝ հուժկու, կատաղի հարվածներով... Այդ պահերին, ասես, կրկրնվում էին Ռ. Լյուքսեմբուրգի խոսքերը, որի մասին փոքր-ինչ առաջ պատմեցի։ Այդպես էր Ա. Մելիքյանն իր քաղաքական հակառակորդների նկատմամբ, երբ անհրաժեշտ էր իր կուսակցության քաղաքական պատասխանը պաշտպանել։

Այլ էր Ա. Մելիքյանն ընտանեկան հարկի տակ, հարազատների, բարեկամների ու ընկերների շրջանում։ Այստեղ նա զուսպ էր, բարի ու մեղմ որպես սիրագործ հայր, ամուսին և որդի (մորը՝ Անուշ (անունը Աննա էր), իսկ մորաքրոջը՝ Սոփո էր կանչում), կամ հավատարիմ ու անկեղծ ընկեր, բարեկամ՝ պատրաստ ամեն կերպ օգնելու նրանց։ Նրա ձայնը բարձր կհնչեր միայն ուրախ սրամազրության պահերին, կամ երեխաների հետ կատակ անելիս։

Օրվա մեծ մասը նա սուսիկ-փուսիկ նստում էր զրասեղանի առջև, զրույցը հակած ձեռքին ու կորացած գրքերի վրա, որտեղից նյութեր էր քաղում իր հետագա աշխատանքների համար։ Երբ հոգնում էր աշխատանքից, դուրս էր գալիս զբոսանքի ու քայլերն ուղղում Աստաֆյան փողոցն ի վեր, քայլում էր

* Մենք ապրում էինք Ամիրյան փողոցի վրա բժ. Կարապետ Խաչատրյանի տանը, իսկ Արշավիրը՝ այդ տան դիմացի հնամենի շենքում։ Այս տունը կա, լավ կլինի լուսանկարել, դի այդտեղ են երիտասարդները մարքսիզմ յուրացրել։

դանդաղ՝ մտքերի ծովն ընկած, իր արտաքինով (առյուծաբաշ, խոշոր դիմա-
դծերով, միջաճասակից բարձր, դերուկ կազմվածքով) գրավելով անցուդարձ
անողների ուշադրությունը: Հաճախ էլ նրան շրջապատում էին ծանոթներն ու
ընկերները, խոսակցությունը տաքանում էր ու մեկ-մեկ էլ ծիծաղը տարած-
վում փողոցով մեկ, ծիծաղում էին բոլոր ընկերները: Զբոսանքը վերջացնելով,
նա տուն էր վերադառնում կազդուրված ու գոհ և նորից անցնում իր սովորա-
կա գրական աշխատանքին: